

獨

學

廬

初

稿

獨學廬初稿卷四

江湖集下 古今體詩五十五首

東吳石韞玉著

丁未孟春之月偕計將行陳容園三大賦
詩送別即次元韻奉報

丈人詩法追黃初含毫四顧心躊躇
蓄畬一經貽孫子餅罌不謀旦夕儲
雙枝玉樹生庭除畫師摩詰文相如
紀羣兩世締交久神密不妨形跡踈
郎君今年賦子虛姓名上達承明廬
平生言行重鄉里文章小技乃其餘

聖人在上求賢儒春風早盼泥金書直教畫省
傳三語始信文園富五車

即目

舊綠雜新綠濃淡生奇姿視之以白雲旁出枯
樹枝野屋八九椽半瓦半茅茨林罅露遠山淡
沱纖于眉自從摩詰死此意誰能知

聞王生文浩補博士弟子誌喜

後海通經術聲名僑肸倫文孫純祖武家學有
傳人鳳試雲中翼桐餘爨下身相期各努力燈
火夜重親

對酒

樽酒對芳辰
蕭條獨愴神
夢隨江水遠
詩逐歲華新
歸燕懷貧主
繁花近麗人
客心多感慨
寧止為傷春

下第有感

偃蹇真如上
竹魚索駝腫
背話非虛少
年悔讀長沙傳
豈獨南華是
僻書予文中用賈誼遙曾擊而去之語遂為同

書松筠精舍壁間

吳市吹簫客
燕臺射策時
醉猶能跨馬
病不廢

吟詩習靜分僧榻行齋寓佛祠長安居未易歸
計尚稽遲

出都

既雨山容潤將歸客病蘇有懷惜往日無汨哭
窮途感舊魚存歿居安聽苑枯先人敝廬在松
菊忍荒蕪

趙北口

河梁百尺卧如虹趙北燕南氣象雄
督亢舊山殘照裏桑乾新水大荒中
勞人歲月馳驅過壯士襟期慷慨同
媿我頻年茲跋涉常將瑁操對

秋風

感荆軻舊事

蕭蕭易水波濤急聞說荆卿去不歸燕太子亡
嗟自取樊將軍死願終違更無宿草埋殘骼但
見平沙帶落暉猶有悲歌慷慨容臨風懷古泪
沾衣

至濟寧登舟

鞍馬苦煩殆不如舟楫行夕陽墟市散秋水聞
門平瓜瓠堪充茗魚鮮可作羹柁樓明月近相
對一樽傾

行路難

四座客勿喧聽我高歌行路難

解一我生好行役

東髮游幽燕幽燕三千里游者動經年

解二出門

春水生入門秋月明春秋暗中換何以成令名

解三皇天雨不止泥深沒我馬馬畏泥塗不肯行

行人信宿郵亭下

解四浩浩江河非舟不渡迴風

生濶阻我歸路

解五

藏金于橐謂無人知綠林豪

客睥睨路歧

解六

綏綏山中狐變化成美女炫服

倚市門願言結佳侶

解七

人言故鄉好我非樂此

閒關道終歲饑來驅我行千山萬水垂垂老

解八

夜宿臺兒庄

涼風起高樹纖月印澄波天意清秋近河聲靜
夜多戍樓傳鼓角隣舫載笙歌一水東南界吾
生幾度過

五月十五夜月蝕古之言月蝕者紛如聚
訟詩以辨之

雙丸出沒有常度每當三五遙相望青天萬里
無隔闕辟諸寶鏡交清光清光有時蝕亦屬天
運之尋常其事初不關灾祥不然何以天官家
推測曾不差毫芒乃知月蝕非真蝕乃山河大

地之影幽然隔于中央如鏡在匣光斯藏如曰
天變乃至此何以持籌布帛可以測量彼夫班
生五行志徒以私意窺蒼蒼是未可與談陰陽
觀放水燈者

長淮映月清若空秋光萬頃磨青銅神人九淵
鞭燭龍火珠迸出鱗甲紅繁星千點散穹窿寶
珠一串牟尼同玻璃碧色蛟人宮木難火齊霞
千重蓮花朵朵瑤池中波光搖曳天無風觀者
坐久斗柄東華鐙明滅玩不窮城頭夜鼓聲繁
繁

南浦

南浦生秋爽
西山帶夕霏
扁舟潮共下
孤客雁同歸
雨後湖菱熟
霜前蘆蠟肥
江鄉無限好
應悔遠遊非

江路

江路暮潮生
孤舟徹夜行
一聲歌歎乃
雙槳擊空明
水枕常無寐
風帆不計程
歸心急如矢
先夢闔閭城

焦山訪瘞鶴銘

偶過避風館
言尋瘞鶴銘
臨摹傳翠墨
訶護仗

神靈月湧江湖白雲封石骨青直思三日宿寧
忍遽揚舲

喜達里門

他鄉雖好不如歸喜趁展光叩故扉萬卷藏書
成敝帚十年應舉尚初衣自憐道路風塵老漸
覺親朋慰藉稀差勝洛陽蘇季子閨中猶有婦
停機

登徐州城樓

石佛雲中寺銅官雪後山城樓在蒼莽河水自
潺湲舊井丹無跡空亭鶴不還從來形勝地幽

訪未曾聞

九月十九日登黃樓有作有引

樓在徐州城東隅中祀蘇文忠文定兩
公像考郡志熙寧十年七月乙丑河決
澶淵汎濫千里八月戊戌水至彭城下
時文忠為郡守率民捍禦郡人以全水
既退築樓城上堊以黃土取土剋水之
義名曰黃樓乾隆五十二年九月十九
日余偕客登樓瞻謁兩蘇先生像遇兒
河山慨然有風景不殊之感爰賦七言

一章是日古人所謂展重陽節也

萬壑秋濤萬壑風升高望遠意何窮二蘇清節
重天下九曲黃河行地中才子聲華終古在異
鄉感慨幾人同雲龍山色蒼茫裏徙倚危欄落
日紅

青陵臺

青陵古道夕陽斜鬱鬱八臺隱暮霞連理樹枯
鴛鳥苑春風惟有白楊花

寄楊甫

山林鍾鼎兩因循螭屈龍伸搃未真馬齒蹉跎

如過客嫁衣辛苦為他人此生不信江河老吾
道常隨日月新我滯淮南君塞北茫茫百感向
誰陳

夜過峯山四閘

路出峯山麓蒼茫夜色昏微雲常礙月疎樹不
成村馬蹟穿林杪河聲迸閘門文襄遺愛遠輿
誦至今存

曹紱垣秀才扶鸞得前身庾嶺一高僧之
句因繪為像素題賦此

鐵石心腸冰雪姿一邱一壑自栖遲已除聲色

香猶在偶述神仙俗未知花是幾生修得到人
於此處再來時儒門不省輪迴說姑妄言之妄
聽之

夜坐聞雁懷林橋秀才

明月皎如畫流光揚太清空齋坐寂寥忽聞鳴
雁聲雁聲何雖雖羣侶相和鳴雁飛携其侶游
子長孤征耿耿夜無寐靜言懷友生霜降水歸
壑黃河瀏兮清方舟不可濟豈無念子情

登徐州放鶴亭

乘馬出郭門蒼然見山色迴峰聯宛委孤亭表

奇特行行度翠微步步升盟級憇息坐亭臯
豁然開胸臆我懷蘇長公四顧尋舊刻舊刻渺無
存歲久風雨蝕今

皇重文學稽古補其闕

天藻壽琬琰歸然亭中植嗟彼元祐朝黨人受
羅織孰如我

皇恩遐及宋臣軾

放鶴招鶴歌

鶴鳴兮九臯將翔將翔兮雲霄南山南兮北山
北鶴其去兮逍遙緇袂兮縞衣遙曾擊兮孤飛

雲溶溶兮碧落山蒼蒼兮翠微翠微兮碧落千
巖兮萬壑鶴之游兮不歸山中人兮寂寞

鶴兮歸來爾母遠舉乎冥冥彼罡風之浩浩兮
爾之去兮零丁鶴兮歸來爾母游乎大荒渺平
沙之無垠兮曾不如乎莽蒼嗟山深而林密兮
又草香而泉潔歸來歸來兮山中有千年之秘
室

有懷

青草綿綿道黃河浩浩波丁年千里別子夜四
時歌贈我玉條脫酬君金叵羅青溪明月裏應

憶古歡多

述夢

夜夢有所遇岸然一者耆蒼顏古衣冠謂是亭
林叟僕乃前致詞殷勤通姓名豈圖後死者乃
得見先生先生乃言曰子有著述無知巧守其
拙知慧守其愚僕出所著書一卷不盈寸願從
有道者一一相質証先生喟然言道若大路然
後生尋墜緒何以通幽元老馬頗識塗與子剖
真詮學以正者崇事以信者傳子勿喜新奇而
勸荒唐說子勿侈商皇而為綺靡筆斯文天未

喪微言久不絕言不足載道徒爾虛車飾

圯橋

稽古黃石公著書成一家欲授無其人世士如
泥沙留侯方亡命銳氣待時動公乃三挫之小
忍成大勇莽莽穀城山空谷多悲風秦亡楚亦
滅神州歸沛公區區報韓心始計終成空

邳州

蕭蕭青陵樹曖曖黃石山彈丸下邳城介在兗
徐間新城百雉何崢嶸舊城淪入河之水彩城郭
為治人為魚維良有司拯其死浩浩洪流流不

止西望崑崙幾萬里決之淪之乃良策安有隄
防可干禩

燕子樓

燕燕尾涎涎雙雙棲玉樓翩翩張公子做儻多
風流美人常怨別明月常悲關妾貌嬌如花妾
心潔如雪妾死且不避零丁安足論良會難再
期盛顏非久存孤館閉婢娟甘心就泯沒相逢
地下時不改舊顏色

赤松詞

君不見荆軻七首張良椎秦王不死天所資亡

秦者胡二世耳山東豪傑興師當時諸侯漢
最賢舍漢不歸將何之漢王天授非人力亦符
自應炎精期飛鳥既盡韓彭醢功高之臣累卵
危昔日曹籌坐上箸今朝甘作囊中錐世間那
有赤松子姑妄言之醉禁聞蚤知雲笈長生術
肯作圯橋亡命児

商山采芝曲

蕭蕭鳴騶涉彼崔嵬山中之人飲露餐芝餐芝
飲露忘其饑伊古夷齊曾采薇世不我知命也
奇朝秦暮楚將誰依漢皇有天下四海畏其威

誠欲廢太子羽翼矣以為異哉四皓不臣漢不
臣于父臣于兒宮中敕使徵遺逸遺逸已來帝
不知

歌風臺

阿房一炬延三月咸陽千里流膏血真人挺生
芒碭間驅馳六合烟塵滅山東諸侯爭雌雄鴻
溝畫地分西東文有良平武信越翊贊中外能
和衷高皇將將真神武軍中士卒如熊虎明修
棧道度陳倉東滅田齊西滅楚齊楚既滅四海
清三章之法安輿情論功不忘楚三戶定禮還

徵魯兩生憶昔義旗泗上起帝心乃春興王地
父老多邀舊里恩公侯堪作長城倚大風起兮
雲飛揚對酒當歌聲慨慷直教萬歲千秋後魂
魄依依懷故鄉求賢不憚三薰沐帷幄運籌多
啟沃帶礪長存世世盟枌榆永聽家家復晉天
之下率土濱兩漢相傳四百春赤符運謝炎精
熄二十五陵飛劫塵於戲五年三嬪如晨莫躋
難王業更風雨誰謂大言少成事人心歸兮天
心許終古荒臺在廢郊蒼茫野草燒痕焦摩挲
斷碣辨殘字秋風蕭瑟秋旻高

歲暮寄林橋秀才

歲寒羣動息而我復晨征旭日三竿上沙堤十里平龍媒冰上渡鶴氅雪中行辛苦依人况馳箋報友生

偕芝圃太守自宿遷歸郡

古寺鴉聲滿荒村犬吠驕冰堅能渡馬地冷自生硝歲晚農懸耜山行客坐轎都君威德在都屋起歌謠

逍遙堂述事

梨園弟子爭芳妍中有粲者妙若仙二十不足

十五餘雙雲覆額容嬋娟撞鐘擊鼓開長筵中
堂華燈鏤九蓮血色璿瑜軟鋪地清歌一曲聲
聞天登場蒼鵲鬢鬢參軍學語聲絲蠻英雄
兒女各有態座客聽之無間言曲終行酒四座
間似曾相識秦淮邊偶談舊事頗了了賤子當
此又破禪青溪故人散如烟或者珥筆升雲天
我居荒城苦岑寂忽然遇子緣非慳胸中塊壘
積十年澆以淳酒鯨吸川當筵醉倒客勿笑人
生行樂胡拘牽明朝送子登歸船我將贈子瑤
華篇子歸吳門長聲價經頭不數黃金錢

過泰安留簡郡守宋汝和二丈

一別三年久思君日鬱陶吏如夫子少山見岱
宗高五袴真同樂雙旌又獨勞入疆知政教路
不拾錐刀

岱廟

七十二君封禪地巖巖氣象至今雄飛龍翔鳳
烟霞上漢柏唐槐雨露中

聖主時巡仍二月嶽神舊爵本三公勞人未遂
攀躋願瞻拜堂皇已肅廊

宿三家店

三年重到舊黃壚樹裏春燈一點孤
馴犬不驚生客至病奴翻倩主人扶
桃符筆索迎新歲燕闕秦關証舊圖
遙憶闔閭城外路良宵燈月滿交衢

初夏偕韓丈旭亭宋西樵孝廉及崇寧院
壘上人游西山潭柘諸寺即事成詠

泉石吾成癖茲晨愜勝游素心三益聚
清夢十年酬土潤農宜稻山寒夏亦裘
始知人海外別自有丹邱

桑乾河上路此渡信無端活水源源至
危橋步

步難沙痕金屑雜山影翠峰攢十丈紅塵軟從
茲隔岼看

聳峭重岡道崎嶇不可登籃輿能代馬席帽竟
同僧虛谷鳴樵斧踈林露佛燈幽尋逢勝境意
氣亦飛騰

一徑入深翠穿林復度溪人游暮春後山在夕
陽西花引娟娟蝶禽啼滑滑泥萬峰環抱處中
有古招提

喜達招提境禪關夜不扃石壇留虎跡松樹作
龍形僧定風搖動山深草木靈前朝碑碣在拂

蘇讀殘銘

九峯環佛刹世界一蓮花
依舊生朱草曾經駐
翠華碑留公主跡山設梵王家獨有登臨客
高吟對落霞

龍華西域會佛事本無遮霖雨滋新笋香風散
萎花放生馴野鹿說偈致靈蛇爭似維摩詰無
言悟法華

寶珠峯萬仞其上有龍湫若取蒙山試魚疑丙
穴游亭高豐草潤崖石古藤難欲辨璇源味親
傾碧玉甌

飛泉漱鳴玉晝夜繞階墀洗藥長庖宅流盃上
已時蕭齋小于舫花徑曲如之左右多修竹濃
陰覆綠漪

三宿三摩地癡心愛已生石泉常靈霄風木自
淒清庭樹真無數山花不識名靜中天地籟都
作海潮聲

題女史許素心梅竹畫冊

婦貞女孝古人榮餘事還馳藝苑名畫品入神
詩入聖梅花同瘦竹同清蔡家絕學無孫子蘇
氏竒才有弟兄留取鏤冰辭一帙八閩風與二

南廐

晚涼洗馬圖為沈戡山主簿題

歲歲春明道上行
逢人爭說沈郎名
自矜磊落權奇骨
兼寓風流旖旎情
過眼雲烟陳跡在
置身邱壑世緣輕
天將福分歸才子
駿馬名姬伴一生

庚戌元旦

素衣如雪洛塵輕
六度金門射策行
偶感歲華歌坎坎
又逢星紀慶庚庚
萬年雲日人多壽
一統車書道太平
誰識江南老庾信
至今蕭瑟尚

書生

獨學廬初稿卷五

玉堂集 古今體詩六十六首

東吳石韞玉著

聞喜

杏林槐市十年中先後蒙

恩慶榜同欲報高深持底事願將多壽祝

皇躬

犧畫箕疇貫古今八徵念切

聖人心

今歲 皇 聖壽八旬時取 洪範庶徵義錫八徵老念之寶乾乾更

法天行健策士先咨大寶箴

王後盧前定價難十人先覲五雲端

君恩特敕魁天下

四韻玉試卷讀卷大臣初擬第一

御筆親題墨未乾

震耳鳴梢響碧空氣氤香氣殿當中句臚甲第

繙清語三聽傳宣尚未通

龍飛占協大人祥

臚傳次日諸進士禮部赴宴

謝恩舞蹈班聯宰相行

錫山松拙修相公以雍

恩賜重九十七人同與讌宮花獨占一枝芳

曾遇仙人夜降此妄言妄聽等兒嬉而今始識

榮枯事早定男兒墮地時

已亥春于後澄江客

之此作三魁字其後余鄉試第十三會
試第十四
試第一
皆如左
卷云

卅載癡雲乍出山游魚上竹不知艱平生自有
行藏術豈在尋常科第間

初入翰林

十年人海任沈浮鬚鬢鬢然志始酬對策名傳
金殿上朝參班近玉螭頭長安朱貴居非易中
秘書多讀未周唯有致

君堯舜願江湖廊廟總先憂

送同年李許齋之官浙江

酌酒與君別送君出國門人生離合偶然事臨

歧何必言消魂吾聞古之富人贈人財貧者無
財贈以言賤子竊附于斯義芟蕘之獻詞非煩
知縣七品官于爵未為尊

朝廷特矜重此意當討論

國家建官九品十九級上自公孤下及里胥與
監門無非因人以成事其職專一道易惇孰如
知縣知一縣分以土地付以羣元元宛宛赤子
在襁褓一衣一食皆須慈母恩僕遊江湖近十
稔目擊利病約畧窮根源簿書委積歸幕府號
令出自令史庖與閭一人聰明偶不照四境以

內生煩冤官人坐享清宴福居則燕寢行熊轡
娛情恣聲色樂志營林園風流溺文史會計謀
泉源數者雖分賢不肖其於曠職同一原眼中
之人惟吾子古人典型今尚存讀書但識忠孝
字奚必三蒼五雅常瀾翻浙水東西半山縣居
民風俗猶廉敦鄉村父老畏官府匍匐訟庭舌
自捫雖有隱微不能達豪釐一譌冤覆盆賢侯
聽訟如家人臨軒顏色常溫溫耕夫織婦之疾
苦但所能為勿惜手為援更有一語備君采儉
以養廉古訓不可誼布衣蔬食亦佳話何必貂

榆被體方丈恣炮燔愛君不覺語鄭重諍乃士
友君可原

寄家人

知卿憔悴減容輝親寫泥金寄故扉幾許壯心
消馬櫪當時別淚滿牛衣吳江楓冷雙魚遠燕
市花濃一騎飛楊柳依依無恙在封侯夫壻未
全非

柳陰垂釣圖為平湖王丈題

君知魚樂我知君偶向濠梁證舊聞彷彿鴛鴦
湖上路四圍山色一川雲

春風吹動綠楊枝
烟雨江南寄所思
卻羨滄浪老漁父
濯纓濯足絕天倪

俞東川選士攜示徐霞客像走筆題之

僕于世俗少所可
酸鹹嗜好輒相左
不恨我不見古人
嘗恨古人不見我
萍水都緣前世因
雪鴻直證他生果
萍因雪果有誰知
燃薪既盡傳其火
世人但知現在身
安知過去凡幾塵
水之逝者不可歸
今花非復前年春
古今善游稱此人
此人與我平生親
松姿鶴骨畫中貌
對之宛然逢故人
昔聞其言今識面
曰假非假真非真

天之蒼蒼無所極。絪縕二氣相埏埴。其初無始。後無終。斯理至今人不識。昔君識我。我為誰。我今對君。君不知。黃金鑄君金。易毀買絲繡。君亦已癡。作歌告君。耐君酒。如在天台題壁時。

乾隆己亥僕于後暨陽客。有善扶鸞之術者。有仙降于箕。署名霞客。呼余故人叩其夙因。則曰。君蘇臺酒狂也。平生任俠與世寘。合侔僚以終。猶憶天台石梁曾共題。壁飄若鸞鶴。既因家累中道分。攜今吾已證仙班。而故人猶是拖泥帶水言之。可為浩歎云云。夫神仙

之說荒唐不經然人稟陰陽之氣以生聚而
散散而聚不必盡自輪迴來而謂竟無輪迴
亦非通人之論若箕所云在可信不可信之
間其後十二年僕奉職都門忽覩斯卷追觸
往事如逢故人為之慨然爰走筆作歌題之
然三世之說儒者弗言偶然寄託之辭觀者
仍不必盡信可耳

迎家人入都

北風自急雁飛遲燕樹吳雲繫所思山上薜蘿
今宛在垞中芍藥昔將離三千道遠卿能否七

十人稀我半之我不遑歸卿不至青天碧海意誰知

家人至疊前韻

仙槎將至尚遲遲執手听然慰所思九曲柔腸
常宛轉三年病骨自支離人生似夢原難說官
冷如水亦聽之兒女一家皆健在平安先報故
鄉知

家人言經史里故宅質人詩以志感

滄浪西北去瀟灑是吾廬松竹先人植園林太
史居

余所居為何義門前輩故宅

引泉三徑曲延月四窗虛

屋自牽蘿補花曾闢地鋤林端來野鶴蓮葉蔭
池魚小榭舟相似遙山盡不如士貧家食少客
久夢歸踈爭及鄰家叟桑麻守故閭

移居

偶爾棲遲亦卜隣廿椽茅屋背城闌畫梁燕似
初歸客幽徑花如待字人朋得盍簪真可樂俸
能舉火未為貧門庭近市還如水忘却槐街十
丈塵

花下含飴圖為平湖沈丈題

朱顏綠髮未成翁親被蘭臺快意風千里雲山

吳越近一舟琴鶴祖孫同詩傳妙味酸鹹外花
結神交澹泊中更望先生十年後杖朝重與慶
呼嵩

歲寒三友圖為潘古堂題

蕭蕭草廬左松右竹中有幽人讀書硯北竹生
鳳吹松作龍文歲寒良友如此兩君豈惟歲寒
春秋佳日雨晦風晴無之不適載為轉語敬祝
先生與松同壽與竹同清

題女史曹墨琴臨蘭亭及塼塔銘縮本

神龍定式化秋烟縮本曾經玉枕鐫千載尚留

香一瓣奉將神妙寄豪顛

尚有龍跳虎卧風誰云姿媚俗書同更將餘慧
臨塲塔總入瑯琊家乘中

曹娥墨妙冠當時王子同舟木有枝朝士至今

誇不了他鄉秋盡雁聲詩

墨琴為王惕甫婦嘗有他鄉秋盡雁聲中

之句贈
夫子時

杜薌先生齋頭賞菊即席賦呈

霜華新到菊花叢
繡几瓷盆位置工
恰喜素心三盞聚
偶逢佳興一尊同
燈圍瘦影蕭疎裏
詩結神交淡泊中
留取餘香榮晚節
肯教容易過

秋風

坐對羣芳搖落辰秋花艷絕勝於春生成有品
非關傲淡到無言亦可人曾在山中耐霜雪纔
離籬下便精神主翁別抱栽培意珍護幽姿迥
出塵

簡船山吉士

風雅西川士沖懷萬物函苦吟花共瘦慧性佛
同龕妙墨中郎並清才小宋參近來詩益富投
贈滿東南

船山以詩見遺奉荅四絕

遂寧太史以詩鳴小草何嫌換舊名試看我岷

山下水出山不減在山清

船山釋後詩曰出山小草

靜掩荆關鎮日眠偏能踏月去朝天醉中騎馬
長安市錯被人呼李謫仙

冰雪聰明鐵石心詩名遠播到雞林太平黼黻
將誰屬司馬高文冠古今

言佛言仙不礙儒眼中人物似君無更聞一語

堪千古科第功名是兩塗

船山有不知科第是功名之句

簪花仕女圖為嚴小萊題

驚鴻憐雪偶留痕薰盡沈香不肯溫猶有掃眉

才子在可曾招得美人魂

九九消寒圖

館課

寒燠相乘除日從南至始揲筭生一陽吹律得
半子冬者歲之餘日月窮次紀分陰少當惜寸
晷增亦喜義哉消寒圖沿自都人士瑀枝恣詰
屈氷萼工撫擬數及九九窮功從一一起位置
耦妃竒點染表徹裏一日不可無幾生修到此
聰明寄冰雪興臺視桃李一枝本清和五出漸
積索當其功成時四海皆春矣

送同年張船山吉士乞假歸蜀

懷賢惜別不勝情
草草離筵餞子行
拔幟同登真事著
書自樂豈求名
文章命達千人見
君父恩深一第榮
報答

聖明從此始
莫將詩酒誤平生

陶然亭讌集奉次時帆前輩元韻

官閒人事少
佳日共銜盃
一世知心幾
三生識面纔
雲山如有約
車笠總無猜
但得朋簪盍
何妨不速來

秋色江亭好
吾曹會率真
山蔬芳可茹
庭樹古生鱗
舉酒屬佳客
抗懷思古人
相期歲寒侶
莫

負此心筠

平野山容瘦小庭花氣濃登臨心不已觴咏歲
相逢黃葉無窮樹青林幾度鐘歸途人影亂薄
醉亦扶筇

友朋吾性命相對各依然嬾未除詩癖貧猶種
秫田閑庭秋似水舊雨夢如烟回首同登日匆
匆十二年

題李季史青城採藥圖遺像

嵯峨青城山上有不死草神農未曾識仙者服
之以成道蒼蒼巖下松歲久化為龍攜鑊劓茯

苓雲深迷其踪金丹未成仙者死蓬萊清淺桑
陰穰蜀山青兮蜀水碧此中聞有仙人宅山虛
水深不見人欲往尋之路無跡飛蛾飛雪融為
川蒼崖石斷雲鉤連君行採藥求神仙山中踏
徧芒屨穿昔之童子今華顛嗟君往兮歸何年

題時帆前輩山寺說詩圖

俛仰天地間觸處皆妙義拈之以為詩會心非
擇地先生今作者汲古窮其邃家藏詩一龕羣
雅寔蒼萃學詩如學佛以靜生其慧靜中視羣
動一一若神契說詩如說法瀾翻出新意一言

造元微其餘可吐棄偶為山寺遊繪圖識其事
唐賢三昧法有此不傳秘我聞第一乘妙在不
思議不從緣覺入不假聲聞致乃至無語言何
況及文字萬物于我心有染皆成累不如盡埽
除默守靈臺思真詩不在詩詩在無詩際

題秦小峴侍讀橫山丙舍圖

山勢繚而曲牀門檜柏深誅茅才子宅誓墓古
人心庭不容旋馬林多反哺禽薜蘿無限好可
許易朝襟

強與鶴相和亦知鷗不馴言從大夫後夢繞故

山春有酒朋簪盍無田祭麗新伊人方黻佩且
結畫中因

漢陽朱孝女詩

風人賦鵲巢所託有微意女居父母家原屬寄
生地先聖去人遠斯道日凋墜嫁殤以為貞孝
者乃不字不字雖不可然亦人所難婦人外所
生動作秦越觀吁嗟蝦蟇詩喻俗良可歎漢皋
有靜女愛親出天性與親誓相守婉孌謝媒聘
親在承其歡親歿致其敬埽室祀二人焚香習
禪靜鄉人繪為圖左椿右則萱椿萱有時悴女

心終不讓瑣瑣巾幘傳有此異行存所司告于
朝綽楔旌其門閨門風化始柱下職討論作歌
告方來此亦邦之媛

江亭雅集圖和伊秋官墨卿韻

絮飛萍著各西東偶介相逢向此中衮衮羣公
多舊雨蕭蕭雙鬢易秋風蒹葭在水霜華白琥
珀浮尊玉色紅畫手詩腸誰最勝伊人高致永
和同

秋到平林黃葉飛白雲出岫不知歸一時主客
皆丹轂十載風塵自素衣寒樹蕭疎初月上夕

陽明滅遠山微尺綃貌取江亭景蘆荻騷騷帶
水圍

荅時帆前輩

新詩如錦滿奚囊澹蕩真疑古漫郎吟到梅花
寒亦可夢隨蕉葉幻何妨十年同舉初傾盃五
字長城獨擅場莫道引舟風力惡蓬萊清淺近
栽桑

如此風流信我師非徒儒雅冠當時
千秋業文獻將存一代詩

先生方有輯話之輯

舊雨半成

鴻爪雪新霜初到菊花枝懷賢感逝無窮意留

俟揚雲後世知

時帆前輩促微詩話走筆作五言三十韻
報之

衆木生在山操斤需國工飛鴻逝無影餘雪留
其蹤古今有文獻吾道繫窮通誰扶大雅輪坐
使壇坫崇我思當代彥第一漁洋翁斯文為已
任提唱開宗風譬諸衆樂合八音協笙鏞又如
水歸海洪纖悉包容著作高等身健筆摩秋穹
上述柱下編掌故星羅胸下及鄉曲士接引撫
譙冲唐賢貽三昧闡幽發其蒙感舊錄遺詩落

落腫羣公後生執一卷尚友百歲中知人論其
世試念誰之功邇來士氣靡風雅失所宗偶生
一二士彷彿鳴秋虫自鳴亦自己疇能與折衷
有客叩我門下馬氣如虹清言霏玉屑纚纚不
可窮蒐羅集百家藏之棟已充淵懷尚歛然采
及菲與葑惜惜昭德音惠我瑤華同一別忽決
旬欲往性苦慵恨不設郵騎晨夕傳詩筒新詩
絡繹來如入萬卉叢豈無青雲志託君為附庸
但恐錙銖塵無以益岱嵩懷慙述舊聞諷誦如
瞍矇朱絃奏希聲所聿聽者聰

寄題何氏拄笏石即用主人平巖詩韻

扶輿靈氣鍾于石，纔向昌平相載還。
一片瑋竒如拄笏，萬牛薄笨可移山。
直超醒酒皺雲上，合置清泉修竹間。
幸遇主人能好事，徵詩刻字不教閒。

題吳江李秀才深柳讀書堂遺照

垂楊垂柳繞江村，蕭瑟虛堂畫本存。
著作等身長不死，雲烟過眼了無痕。
試尋屐印苔生砌，依舊禽聲樹掩門。
頌橘騷蘭何限意，幾曾招得楚人魂。

題馬山子孝廉獨立圖

柳塞奇材重萬牛，白雲出岫尚遲留。
纔經燕市槐花落，却憶淮山桂樹秋。
儒雅可師風近古，蒼茫獨立意無俦。
爲肩火色飛騰相，先向圖中識馬周。

鐵卿先生作草書見贈走筆奉謝并乞書
獨學廬額

鍾王妙蹟天下無，後生意造人人殊。
但從石本索髣髴，千楮萬拓異瘠腴。
此事蓋已解，不觚有唐作者歐。
褚虞刻畫晉人如守株，繼以顏柳之

楷顛素草龍文虎脊爭馳驅各出奇妙破古法
當其懸解歸同途其中魯公尤橫絕力開冥窔
平崎嶇爭坐一帖薈衆妙陶鑄二蔡黃米蘇鵬
波一家特超越宗唐祖晉窮毫銖尚恨今人不
如古天馬欲補心跡踟躕甘將草聖尊鮮于吾師
墨妙義獻徒採擷精液遺其麤臨池忽奮蒼鼠
鬚淋漓大筆滿紙濡飛龍天矯翔天衢東雲一
鱗西一爪變化出沒力破拘雙管疾掃分生枯
秘密直摘驪頤珠嗟乎妙哉百世模百朋錫我
生懽愉錦綈十襲珍璠璣懸之素壁日相對手

不能追心與暮緣此更生無厭想饕餮不惜如
貪夫宣南新闢獨學廬非公書榜德恐孤碩公
擘窠更作此長使麤藻輝菰蘆

錢小彭客秋聯咏圖

燕樹吳雲兩地心蕭騷秋氣滿園林晨星零落
囊中草舊雨淒涼漢上襟別夢久虛孺子榻悲
歌欲碎離門琴獨餘風雅能存道畫意詩情跡
可尋

送彭參軍出都

高軒過我氣如虹談笑驚看四座雄席上藏鈞

樽蟻碧燈前舞蔗蠟珠紅簪裾北闕承新寵衣
鉢西江繼古風此去相思深似海好憑雙鯉寄
詩筒

黃潤園索句圖

冰雪聰明粲齒牙不將裘馬門繁華消人歲月
囊中草傾國風姿座上花北地交游才子社西
江宗派大方家蓬蓬采采司空品信手拈來亦
可嘉

寒林雅集圖

時帆前輩招集詩龕僕以先慈諱日未

赴是日會者十人客有能畫者繪為寒
林雅集圖楊甫作記裨存為之序他日
時帆以圖索詩因題兩絕句即以詩龕
二字分韻

風人遇事託于詩詩不能窮畫補之絳燭共傾
陶令酒繁囊爭賄謝公碁

松竹蕭疎共一龕騷騷黃葉滿荒庵歲寒朋舊
無多輩都入先生玉麈談

法源寺看花和秋坪韻

性耽禪寂此頻過苔蝕殘碑手自摩竹院逢僧

供杓茗花闌謝客設庭莎閒吟春色歸豪緒靜
看生機放雀螺朱蒂緇衣皆幻相世間清福問
誰多

漫將他我論根塵兔走烏飛疾轉輪萬葉分宗
皆自佛千花異豔總同春到門大抵雕龍客入
座猶多怖鴿人會得維摩無語意絮飄萍化盡
前因

崇效寺看花和李滄雲給事韻

古寺花爭發新詩墨未乾閒雲留客住修竹許
人看石爛碑銘闕苔深屐印攢不知歸路晚初

月掛銀盤

和李滄雲給事游極樂寺用朱竹垞詩韻
詩人久奪二蘇席吟風嘯月無虛日茲番示我
春遊詩詩壇佛剎兩生色險韻真能青出藍靈
機應見虛生白憶昨看花曾駐馬逢僧修竹長
松下乘興題詩素壁間墨花狼藉今應乾今春
習靜蓬廬下息交絕游常閉關靜中之樂勝于
動如此蕭閑百歲難及時可樂且行樂兔走烏
飛不解還

游萬壽寺謁蓮機上人因看殿後古松茶

話竟日歸而有作

步出西郭門草綠侵人衣尋春不知遠梵宇凌
翠微山門畫不扃禽鳥心忘機入門叅古德不
慈亦不威瀾翻出千偈辨者無能違忽聞海濤
聲空際蒼龍飛如觀張藻畫雙管生枯揮慈雲
結為蔭慧日揚其輝試叅生枯理生是枯豈非
此理不可究清言玉屑霏

拙菴上人紅杏青松圖

紅杏青松舊虎溪上人隻履久歸西雲烟過眼
全無迹賦就新詩不忍題

杏花開落非關雨松樹生枯豈為風此理問公
公不荅火中蓮蕊四時紅

秀野舟廬藤花盛開置酒小飲秋坪即席

賦詩戲和其韻

騷人妙句豔于霞誰與殷勤護碧紗舉座聽歌
皆擊節分曹射覆互藏花金尊勸酒心先醉紈
扇微書債尚賒知否傾城難再得夜歸同載短
轅車

顧太淑人壽詩

庠曜輝南極壬符慶北堂自天齡載錫當日紫

相莊書格簪花好詩才咏絮強青荷開鏡組黃
竹鐫鉞箱主饋蘋齋肅傳經荻訓良擬倫唯道
韞將母有長康身繡官箴肅魚軒

帝寵光含飴芝繞膝舞采錦同行萱茂春常在
籌增筭未央瑤箋裁吉頌遙寄侑柑觴

李小雲明府招飲即席和滄雲給事韻

清風不擇物吹萬皆成籟吾曹聚散緣每出不
期會李侯世所賢與我昔傾盖千里隔魚書十
年證縞帶良辰集簪裾高譙臚炙膾偶開北海
尊暫緩南國旆客占德星聚主賦停雲靄酒多

飲不貲韻險賡無奈給事倡新篇落筆如椽大
深心盟金石妙語謝雕繪譬諸萬卉中蒼然見
松檜儒者贈人言寔勝金與貝我聞古賢侯訟
庭撤鉗釵焚香坐燕寢科頭對林薈身托兵衛
間心游簿書外牧民如牧馬不過去其害解衣
恆煢獨持斧攝豪怵嗟今俗吏治涸涸若奔瀨
稗政不知芟蠹吏不知汰如此肉食徒殊可
一嘅之子抱遠謨豈為俗塵睟平生愷悌心此
行卜孚允鯨生拙言辭陳義愧擣昧將聆百里
琴先計三年艾欽茲淵岳姿妄欲効涓澣願踵

龔魯塵早報循良最

茅裳清嘯圖為鄭初白參軍賦

鳳皇九苞瑞其羽可為儀翱翔周六合舉世無人知
蔥蘢春林樹豈無可棲枝鵙鷃以為伍欲集虞差池
蒼蒼蘇門山白雲與我期溯洄從伊人獨抱耿介安
籜冠芙蓉裳薜荔為之衣朱顏遂初服泉石恣娛嬉
登高蒔清嘯四山皆應之噦然鸞鶴音繫人中夜思